

色想宴罷鳳邊丹詔記賜來馬上黃封駁玉  
壺水想道臣心之如水指金莖露笑着仙掌  
之凝珠鬱鬯味濃蕪蕪香近

水燈榜

水燈映水開成仰覆之蓮花天影粘天照見  
虛無之蓬島卷五九淵不夜千炬浮春鳥十一免讓揮到  
海坐通於銀漢魚龍吹浪走盤疑是於明珠  
然此一點金色光盡在諸公筆頭上懷沙包  
泰何勞招屈子之魂逐浪生花又可誦坡仙  
之句餘明所及幽壤咸歸

普度告盟榜

寶月重圓始停玉斧春風九夜爰啓金科肅  
肅千塵馬不飛飄飄然仙車無跡五難緣理  
去三杰攸分十方淨空來一珠俱攝中有自  
然造化於焉溥度幽冥鶴信曉通龍文雲起  
慎終追遠具陳潔已之誠心脫苦登真仰止  
度人之妙道時其可矣天寶臨之

萃善錄卷上

萃善錄卷下

卷六

李氏崇建九幽昇度大齋薦拔亡夫  
及子孫孤魂正醮詞

札慶天昏死生大矣齋戒沐浴天地臨之已  
蒙金簡之曲成庸闡瓊科而昭謝伏念臣妻  
得天何淺惠妾無終兩年而有七喪夫亡子  
繼一身而哭三世女殞孫俎間逢疾狀之可  
疑或謂患端之有在神靈震怒災禍頻仍身  
不敢以逞安心實知其有罪亦嘗繫已津六  
道以消愆孰若投誠醮名山而請命皇穹在  
上明水自陳伏願道有生神仁無棄物仙科  
九鍊感歸解脫之門人道一新永塞伏連之  
路蒙恩有日積善酬天

宿啓詞

上帝至仁常恐乖違於人道凡民有死猶傳  
濟物之真科何垂老而兼失於所天彼長逝  
者執開其生地乃攬丹個祗肅瑤壇五嶽風  
微幸網維於玄範九關雲啓容朝夕於清光  
早朝詞

好生德大感上聖之垂光追遠心長肅初朝

而請命且氣接天人之會陽明通造化之機  
三極神交九原慶幸玉文布勅爰指路於仙  
靈金簡流丹式合符於凡悃

午朝詞

事帝風興致齋忱而未悉趨朝晝接懇家難  
以申言此由外患之干而有中殤之哭省愆  
終日悔禍惟天否塞潛通北斗弭伏連之路  
離明洞照南宮升解脫之魂

晚朝詞

夕殿澄秋監人生之多難朝儀卜夜奏童瀆  
之微言道開幽壤之光明德沛餘波之膏潤  
允矣既往兼惠其生天定而人景幸收於榆  
晚日昌厥後春益茂於蘭芽

元君薦三十七代天師希微宿啓詞

嗟子行役竟客死而不歸惟天聰明念民情  
之無告倚門望絕啓醮詞真伏念某人嗣教  
三年束裝萬里藉祖宗之福澤偶有遭逢嬰  
疾病之淹留胡然天喪心拆外書之至神傷  
旅櫬之來母子至情死生大事敬歸依於祖  
教先汛掃於家庭伏願四炁朗清五文開廓

北方不可久處帝道三招東極無量度人經  
傳十論

二日早朝詞

曙色蒼涼不見衣冠之拜母凡情懇惻正憑  
箋牘以願天儼十方三界之臨正二日六朝  
之始伏願陽者普照勅札下頒報冀朔之游  
魂許從瀟雪注蓬瀛之仙籍得遂超升

午朝詞

日之方中缺望晝歸之錦神其如在揭處露  
悵之香哭子聲悲望天情切伏願玉天賜勅  
金闕疏息大開流火之庭盡除宿垢入侍太  
玄之首得遂超升

晚朝詞

時當昏定長兒不見於寢闈無有晚朝列聖  
尚臨於壇席恪遵教範昭格上穹伏願夜氣  
澄清天真登引神魂可度願永遂於道遙母  
子有緣或相逢於夢寐

三日早朝詞

林迎曉日傷情看返哺之鳥壇望昊天齊故  
想朝陽之鳳沐熏飯命俯伏祈恩伏願闔闔

廣闈珪璋入觀念陽平之遺裔俾繼仙班受  
玉局之真詮親聞至道

午朝詞

日景舒長愴南去北來之異路天威咫尺監  
母老子幼以何心明水再陳哀情深切伏願  
符鎮玉陛勅下朱陵乘颺羽以歸來畧思舊  
隱入寶珠而聽瑩頓悟昨非

晚朝詞

白髮青燈永斷持環之夢金書丹簡爰依鍊  
玉之科夜景闐寥齋功圓滿伏願乾文祭布  
帝澤廣宣遺世登真既返天地山川之氣說  
經按道應悟死生晝夜之常

詞

皇帝若曰敬恭卜日致山川社稷之心禮樂  
事天備玉帛鼓鐘之實乃三極交孚之際當  
一炷戒肅之初於行用金其土皆玉端倪仰  
止德焉敢於二三戴履孔昭威不遠於咫尺  
雲車穆穆星帷榮榮錫命會同神合吉時合  
序降祥茲至日重輝月重明七政咸齊五兵

不試

早朝詞

日出寅賓堯則天而為大天休申命湯銘日  
以能新存旦氣之清明秉晨朝而齊肅有神  
如在惟帝念茲歆福群生期不孤於皇極書  
年大有母專美於春秋

午朝詞

離文明照仰承並日之言乾象高陳敢替奉  
天之訓神洋洋其在上皇刻刻分揚靈玄極  
受朝清都分命神州國本鎮九有不搖畿  
縣民風張四維而大治

晚朝詞

一信始秋當莫朝而曰夕寸誠獨露存夜氣  
以事天冲漠之際無私密勿之間有命丕承  
率祖克相厥家黃屋非心允賴彌基之道明  
堂坐治敢違輔德之原

正醮詞

國稱宗子若重器之在躬父曰嚴君宜平居  
而請命時措敢違於責任日宣密謝於扶持  
禮以達言誠惟克享民胞物與同流一視之

仁俗美政成玉顯三靈之德

千秋節宿啓詞

丕承任重繼體乾坤載育惟時潛心天地誠遠將於玉帛儀祗肅於瑤臺風清下土之塵俯竦高穹之命瓊輪出整鸞鳴和側聽於宸遊金蘇啓玄鴻造不違於夕奏

三朝詞

惟天子佑下民日省青宮之寄自朝至于中晷寅恭紫極之朝撫已實生効心遠致冀神靈之委鑿綿宗社以流恩五學身脩風懋成人之地兩官眉宇春融問寢之天

正醮詞

國本承桃責任敢違於繼述王春育質主張實兆於生成臨誕日以遣香儀即名山而修金蘇惟天不隔若帝之臨監國撫軍極扶持於內外問安侍膳全忠孝於君親

宿啓詞

官占象緯馳使命以有嚴方鎮龍章按壇儀之初廟雲閣瓊霄之雨塵消金殿之風帝命春融國忱夕奏一體班行之序明日將朝九

闕筆路之光惟天所命

早朝詞

升日車於黃道曉肅朝班擁仙仗於紅雲空浮御路致國家之忱悃燿火土之光芒雖君德自可以回天必帝命以先之為地星當翼軫集百順於皇躬月在晉泰合三方於洪福

午朝詞

天文推步國禳太史之占春董朝元使肅近臣之敬祝釐者臣之責任懼災者帝可轉移對越脩辭敷宣待命首尾遠行天道星不泯於坤儀吉祥茂集慈躬德永禪於乾御

晚朝詞

司曆占星窺稜氣而奏上奉祠祝國存夜氣以朝元惟藻感之留連靡常而玄科之樽穰可用網維有在回斡非難主曹無虞萬春暉於花萼承桃有慶動喜色於楓宸

正醮詞

孰稱父坤稱母臺占留退之曜天成象地成形固有祭禳之旨玄範俯陳於瓊館絳章上奏於清都分命星辰流恩君后片言退舍母

專美於春秋一氣居中永鎮安於民社福沾聖嗣慶衍宗枝

聖節詞

欽若昊天式付纂承之重無疆歷服深惟克紹之艱按初度以再時爰省躬而事帝齋脩金蘇文啓瓊科視聽弗違已整朝元之禮監臨有赫庸輝歸美之誠遙暉碧霄重敷蘇奏伏願玄功不宰玉曆綿洪陰陽調而風雨時群生胥樂股肱良而庶物育萬邦以貞

保生度往醮詞

稔愆降疾伏地省躬追遠固存顯天請命寫丹心之耿耿瀆玄聽之高高伏念尤悔積中天昏遽下遊魂為變死者不可復生天患有身存者其能自保兩端危急一揆憂惶爰繫志於名山折通情於絳闕科修金簡醮款瓊輪伏願玉顯至仁曲垂三宥救苦之符廣大出苦无他好生之德克周延生有自克昌家脉永戴天恩

丙寅普度齋宿啓詞

體天地心撫三春而悲九夜即神仙境由千

里而致一忱玄範初盟綠章敷奏伏念以平  
心而處物將推已以及人側聞名山山溥度之  
常政協才地永懷之自謂甚堪憫憫而不  
祀者則為孤倘遂可超升親而當思者其敢  
後前言如日中誠契天既嘗昭告以率先敢  
不躬行而善始壇規水肅輦路雲開伏願五  
炁凝真三靈合德玄風發育又開太極之初  
道月光明洞照重陰之表

早朝詞

帝館雲紅普泉曲希陽而度仙階土碧肅班  
行飛曉之朝日下照於傾葵春不違於一草  
更生之道無息者天明荐起於東方有如此  
且樂莫加於南面奚取斯言

午朝詞

道妙畫前之易相見乎離陽生貞下之元以  
觀其復望丹靈而請命希金簡以成功三炁  
有融一光普及日魂既鍊了然以出於機天  
性無遠超乎而會其極

晚朝詞

鷓序星羅立夕儀之濟濟龍章露奏浮夜氣

之融融存誠殫事帝之恭演敷製度人之大  
慈光燭下心體鏡如玉字策勲又觀三生之  
日月實符度命重開四象之乾坤

正醮詞

雷動雨盈幽壤之煩冤領洗天明地察玄門  
之善利無私惠澤潛符齋忱允遂伏念服膺  
妙道引領真科莫得而名者固非常名無所  
不度者是為溥度乃啓如心之恕以干成物  
之仁東極楊枝密洒清涼之餘潤始青黍未  
中含發育之陽春變法雨以涵濡靈風于  
枯朽已著顯然之功用必無不濟之幽冥菲  
薦庸陳隆恩為報伏願九真慶會一德昭融  
大道可以情求人事盡而理現本心所發敢  
窺天地之全庶物咸亨孰外乾坤之大

就普度會酬醮超度詞

母子至情嘗致抱病保安之請幽冥異路罔  
殫愛生傷死之思一謝一祈三薰三沐伏念  
且亡男去草茅賤質蒲柳微質偶違攝養之  
方久困沉綿之疾遂同夫主仰告皇天念勛  
積之可憐冀鴻施之默佑冀期天折康樂石

以無功相繼瀟零痛楚結之傾世莫運未亡  
人之咎竟乘元徽福之盟茲逢普度之齋筵  
回助往生之善果伏願蒼帝錫鑿黑籍銷名  
日居月諸用助孤孀之初歎父前子後同登  
上品之仙階

五真人薦成舍人

天垂濟度恩不聞於幽冥人有懇祈事每關  
於傷悼一忱請命百拜陳詞伏念臣亡孫某  
生也時乖死而日遠極中抱養本為繼絕之  
謀冠後擬婚遽作永歸之訣泉壤之塗既隔  
母孫之念何窮茲已及於大祥敢肅陳於清  
醮冀資薦拔俾遂超升伏願紫府洗愆玄功  
錫造性天朗徹廓除宿昔之沈迷法雨載濡  
溥及邇遐之枯槁凡茲靈識同一逍遙

會首建九幽薦親宿啓詞

日往月來忠親念切天高地厚連遠心長求  
大道以有門難名山而告簡愚誠宜致師造  
曲成瓊篆發光靈寶之科肇啓玉書錫命朱  
陵之路常開不次之恩莫窮之報

三朝詞

乾始坤生天獨存於淪祭夙興夜寐日三接於朝儀賴仙科成物之仁啓子職報親之禮俯陳凡悃仰答真旌惟并感于神明鞠躬致愧謂生同於夜且撫手知歸

正熙詞

斡旋人道生生之造無窮瞻望帝閣疑疑之忱惟謹恭趨仙境俯控丹衷伏念蒿目懷親草心遊于昊天罔極莫回長夜之光明春雨既濡益重九原之悽慘况本根之難泯在春序以收同憑金簡以出幽途遵玉符而開生路恪陳清醮祇答洪休伏願三炁流光一元啓運物觀其復又分太極之天光晦而明載育中華之地銘心從欲種德酬恩

薦孫真率宿啓詞

追遠何由教育之原敢昧出幽有造超升之望焉依庸歷寸丹恭祈三寶伏念先師某生惟任直死亦無他人事莫善美惡難調於眾口世緣多妄晦明或昧於本心懼寡過以未能率下忱而有請迺修玄範昭潔瑤壇伏願教道所宗師真寶主玉書炳煥照開十地之

門瓊駕徘徊來下九天之馭仰瞻伊始望幸無窮

三朝詞

夙興下日杙起異骨之親夕惕事天肅致寸心之敬朝端謹飭帝所清高惟師承難泯於後人蓋道用不遺於一物資憑善利接引冥行金簡通神直指遺遠之地丹臺聽命同遊清靜之天

正熙詞

授業惟師莫詰九原之下生神有道又開太極之初允荷曲成敢忘大造伏念先師某幻而為果空本無花望冥海之汪洋云何超越賴玄科之方便得所憑依攝先靈以惠來度苦魂而兼濟萬緣解紐三業無根酬恩羞藻薦之恭執禮盡哀傾之敬伏願靈尊克享至澤旁流法身親身一指虛無之路天道人道同為清靜之歸餘慶所沾後昆永戴

張國祥薦父終七詞

無父何怙嗟為子以略依謂天蓋高痛思親而曷報日云終七露悃再三伏念亡父某族

世心長謀身計拙惟勞生若夢欲寡過以未能白度死有科豈遺孤之敢後潔蠅廬而請命告龍簡以宣息敬寓潢汗禮陳清醮伏願至仁無外洪造有容哀矜追遠之誠恢廣濟生之道太虛蕩蕩漢乎無朕之神長夜漫漫示以自新之路

張梧山還保女醮詞

惟疾之憂女均為子無德不報人敢違天果符一願之愚敢負初盟之善伏念某昨因女某血滯於氣乳結而癰盡乞靈徵福之心庶幾不死拜度厄消災之賜幸爾更生相依已遂於宜家醮歎仍昔於欠籍乃清塵宇祗肅飈車伏願雲擁洪禧星開黃道門闢多喜春濃甥館之娛宅相克成早滿親庭之望百為燕順二美同榮

張寶善還玉臺保母

疾首弗瘳莫代慈闈之痛矢心請禱幸推金闕之仁禮寶誥以無他奏藥功而有自念拜雖萬萬果何益於昊天然聽匪高高實落通於寸地膚告成於願力爰敬感於醮修潢潦

014 A 1530

至微清都不速惟帝心之簡在祈母并以增  
延叔水春暉錫雙親之齊老萱花晚景增百  
福以收同何以酬恩敢忘種德

還保岳母題詞

親其親長其長宜休戚之相關道可道名可

名信精誠之不隔賴天從欲伏地知歸伏念

某昨以外母某疾亟于躬勢危如髮急於間

竊懼窮日之後時行未及門乃籲天於中道

半子之心如願上帝之德曰生敢食盟言謹

陳醮禮伏願壽增寶曆數幹瓊躋堂上萱椿

耐春光而不老門中桃李托餘蔭以同榮永

戴璣亨旁沾玉潤

黃竹軒提點七十常住建醮慶壽詞

大厦棟梁之寄主者獨稱七旬弧矢之期人

生所慶以福地寅恭之義致祈天助愛之誠

惟帝所從允臣至願堂中日月留不老之春

光鑑外山川均無窮之道味

節次啓許保安七照合醮詞

瀆本戒三况乞靈而致七敬惟主一庸專志

以酬初需悃綠章通誠丹陛伏念山林之役

天地焉休俯者前歆積願言而莫踐適嘗後

繼深負咎以奚文雖本原所任之責有殊然

福利奉公之心則一神豈可負道無不同爰

嚴難以報恩冀鑒情而有過伏願大造優容

衆真歆格謝往愆祈終惠來日正長居善地

樂清時惟天所命

衆為某保安詞

人疾必呼其父母誰使之然仙源端賴於祖

宗宜衆以告惟呂氏某以弱質處胚脾之際

偶深居失調護之方馴致微病頗關遠慮念

仰瞻推本豈能違師天裕後之恩苟回賜資

生即自有隨日遺安之道外求則安至敬無

文伏願醮悃上手奏言下錫艾香越井早收

神藥之奇功蘭茁謝庭行見孫枝之喜色網

維有在銘鏤難磨

吳宗師丙寅冬捧香回山建醮并慶

成三清殿宿啓詞

惟天惟祖宗纂承任重有民有社稷定保心

長適名山崇帝所之祈以秩祀致國忱之遠

延馳玄使祗肅瑤壇昭其度昭其文齋莊有

執潛而天潛而地敷奏以言

早朝詞

至誠望秩朝徹無違大本欲安夙夜以告惟

高厚之氣順則參贊之功存修德承天享誠

隨地一元保合時成物象之道三極交孚日

永道原之大

午朝詞

六琯陽生揆國經於治象九關晝接祈邦本

於時康蓋有民為兩極之心而立命者一人

之責多儀克享明照不遠四海永清誕保全

既之固三時不害益綿玉燭之和

晚朝詞

天付有家備身為本日嚴祇敬遵道而行存

夜氣以敷言致夕儀而對越非后何戴惟帝

念茲宮壺一和式永綏於內治宗枝百順尚

丕顯於前猷

正醮詞

小心圖治協和之效如斯一德感神望秩之

忱敢後屬真境告成於御宇以祠官祗薦於

多儀乾文之昭示者欲得其平地利之或乖

者蓋求其故何以納黎元於熙洽何以臻中外之乂安為國有經涉淵思濟每見幾於終日惟助順之在天麟趾應時自省玉成之道鴻禧流慶永依鈞轉之仁一氣還元太平有象

丁卯春建保安醮詞

福地措躬每懷遠慮雲天垂蔭允賴真靈敢忘燕安防患之時况值蜩集建齋之日葵傾請命深薦祈恩願憫至情介水官而永鎮相安無事戴淵造以難磨

天師退潮預建醮詞

省府憂潮致驛書而有命臣門如水率祖教以將行心惟道之是遵事非天而曷濟預陳清醮仰冀洪恩威命煥頒祈早清於海惟教風誕播還舊障之沙院益固民情永享邦本

戊辰年天師建黃錄宿啓詞

黃壇特啓按泰天兩地之規丹府具陳酬三世一家之願思過不幾於寡信踐言兼首於前非明察有容顯幽是賴伏願道常善應歸化機於儀象之間聖不可知交神氣於天人之表詰朝而見先事以聞

一日早朝祝君

忠實答天奉齋科之重典清明在旦謹禮節於初朝假靈不敢以及私贊化先期於報上伏願曉開閭闔日暖旌旗乾符坤珍洽觀垂衣之治天心民命歡吟洗甲之詩

午朝臣僚

上答天心孫謀子職俯綏國本世治臣賢朝真數書接之誠宣化極時需之望伏願慶雲扶日寒谷靈春玉燭順時不出變調之外金湯固本咸歸陶冶之中

晚朝天下

齋忱夕奏潔己而言教典風遵裕民為念敢日遠形於私請幸期先及於生靈伏願味谷陽生景星光現帝憐赤子春回草木之寒天轉洪鈞日借暮榆之暖

二日早朝孤爽

昧爽朝元曦輪兩旦大明燭下淵鑒兼融念誰憐遊魄之無歸欲自振迷津而莫可惟玄科之有道此上帝之至仁伏願慧日乘晨靈風造曉坎納成離納已乃火降以水升乾寶

始坤資生又天涵而地育

午朝正薦

日瑞再中何造朝之喋喋天臨在上敢微福於冥冥重惟一門謝世之親誕啓十迴度人之道玉文有證金簡無私伏願鍊質離明超神旅進祖其裕後仰承玄省之宗女亦有仙尚隸易遷之籍

晚朝附薦

臣卜其夜仙貴度以垂文人有常言仁者存乎博愛春道俗咸疏之既往想精神魂魄以何之一指虛無同歸清靜伏願慧光如月覺性俱天幻身非身了取靈明之本無質生質超然夜旦之常

三日早朝教門

日射金門三觀紅雲之曉露陳玉座一千玄造之春謬焉司教之在躬惕若隨時之為義閱揚相戒戰栗以言伏願運晦而明依先不昧真際承緒箕裘之學無遺新渥如綸冠褐之宗益大

午朝師門兼宮門

017 A 0 710

千年祖教嗣福地以奉祠大易人文列家人之正位相關幽戚均乞平安朝接晝以云三聽回春而采錄伏願天光日麗雲覆雷同綿綿香火之隆恩單自上秩秩本支之茂福在其中

晚朝祈嗣

久矣呼天冀玄宗之有托凜焉終日何素志之未孚想因先世之所招或者微躬之自召將非塚訟其有詛盟通當朝謁之終輒敢敷陳之告伏願列真肆赦洗萬罪以消屯九氣妙凝接一陽而來復

昊天正詞

天籍屢書有上世久盟之黃籙露忱密奏兼微臣自許之丹衷答既愆期陳情俟命伏念某少而失怙惕若投艱半生素志之未孚一脉後慶之甚大親莫留而願在躬自省以心知事會因循默推源之有故神明森列豈責報之所關苟為又食斯言其將奚辭于罰千愆並謝三款一酬伏願曲宥無遺備從允賴帝當博愛溥成物以資生臣不敢言竊容心

而抱送知恩有日積善酬天

三天詞

急乃願天可食言而棄信言焉卜日厲報既以修齋惠普及於顯幽鑒潛孚於微隱曲成有在善應無遠思以致祥誓廣行於陰德賜之如願取自泯於良心

東極詞

明科肇啓魚酬宿昔之言遊奕同升一拜維新之命聖功不宰人道重開瑞光之假借非私生意之貫通無跡同胞同與各隨分以短長自色自形初何心於造化

后土南極北極九幽


帝留齋法救長夜之冥行日撫愚衷答先時之宿款道存萬範思到九泉惟濟死以及生乃度幽而為福伏願善無不溥咸升朱府之高願有必從少待洪鈞之轉

萃善錄卷下

玄精碧匣靈寶聚玄經卷上

赤明開圖部

天機之書開明大道頓泄根源統之有宗會之有元範圍天地通乎幽玄陰陽匹配天道自然玄黃定位剖而為二輕清覆地重濁承天輕清積氣化為雲煙重濁積氣水出高源一氣化水坎卦生焉



三坎卦生於子謂陽氣始生之地也萬物方動萌芽漸滋天始布其陽氣人欲進其常道以此占人將欲昇新事始然坎為天地之中運動如在半途是此門領方可辦事

二氣乃土與地相連水中陽聚土石城川陰陽接結坤卦神全雲煙之下土石之上陰精凝結陽昇而前

